

Evening Dogri (NSD) Bulletin 10-12-2024

आकाशवाणी

खास खबरां

1 राष्ट्रपति द्रौपदी मुर्मू होरें आखेआ जे मानव अधिकारें लेई, साइबर अपराधें ते जलवायु परिवर्तन नभियां चुनौतियां न, सब्बने दे अधिकारें ते गरिमा दी सुरक्षा करने आले सम्मान डिजीटल माहौल गी जकीनी करने दा आह्वान कीता।

2 केन्द्र नै स्वच्छ भारत मिशन ग्रामीण लेई 1 ज्हा 869 करोड़ रपे जारी कीते।

3 राई-बाई मंत्रालय नै संस्थान मताबक मौसम दे स्हाबै फसलें ते होरने किस्में गी मुन्खे दे 310 जिले च आन्नेआ ऐ।

4 नीति आयोग दे मिंबर डॉ. वी.के.पाल होरें आखेंआ जे सरकार नमीं मानसिक सेहत सरबंधी मिशन पर कम्म करा'रदी ऐ।

5 निवतेकान आरबीआई गवर्नर शक्तिकांत दास होरें विश्वास व्यक्त कीता जे नमें गवर्नर संजय मल्होत्रा हुंदे कुशल नेतृत्व च आरबीआई अगगे ओने आले कुसै बी चुनौती थमां प्रभावी ढंगे नै निबड़ोग।

6 प्रो कबड्डी लीग च गुजरात जायंटस दा मकाबला जयपुर पिंक पैंथर कन्नै महाराष्ट्र च होग।



President NHR Day

राष्ट्रपति द्रौपदी मुर्मू होरें सब्बने दे अधिकारें ते मान मर्यादा दी हिमायत गी जकीनी बनाने दे महत्त्व पर जोर पाया ऐ। अज्ज नमीं दिल्ली च मनुक्खी अधिकारें सरबंधी राष्ट्रीय कमीशन आस्सेआ मनुक्खी अधिकार ध्याड़े पर लोआए गेदे प्रोग्राम च भाषण दिंदे होई राष्ट्रपति होरें आखेआ जे साइबर अपराधर ते जलवायु तब्दीली मनुक्खी अधिकारें लेई नमां खतरा ऐ। उनें आखेआ जे डिजीटल युग परिवर्तनकारी ऐ उआं एहदे कन्नै साइबर बदमाशी दिएं फेक, गोपनीयता सरबंधी चैता ते गलत जानकारी फैलने जनेह् मसले बी पैदा होई गे न। राष्ट्रपति मुर्मू होरें आखेआ जे भारत नै गरीबी दूर करने, भूखमरी गी खत्म करने ते नोजवानें गी नीतियां लागू करियै दुनिया अगगे मलाल पेश कीती ऐ। उनें आखेआ जे भारत नै अपनी 5

ज्हार ब'रे कोला मती परानी सभ्यता च हमदर्दी, दया ते समुदाय दे अंदर व्यक्तिएं दा आपूं'चै जुड़ाह आली कद्रें गी कायम रखे दा ऐ। राष्ट्रपति होरें मनुक्खी अधिकारें दी खलाफवर्जी गी दूर करने, जागरूकता आन्नने ते हाशिये पर पेदे लोकें दे अधिकारें गी बनाई रखने लेई नीतिगत तब्दीलिएं दी सफारश करने च यरगर्म भूमका नभाने लेई मनुक्खी अधिकारें सरबंधी राष्ट्रीय कमीशन दी तरीफ कीती ऐ। इस मौके पर राष्ट्रपति होरें एनएचआरसी दे त्रऊ प्रकाशकें दा विमोचन कीता।



Swachh Bharat

ग्रामीण विकास मंत्रालय नै जानकारी दित्ती ऐ जे सरकार नै स्वच्छ भारत मिशन ग्रामीण तैहत अपने हिस्से दे तौर पर इस ब'रे नवम्बर तोड़ी 1 ज्हार 869 करोड़ रपे शा मती रकम जारी कीती ऐ तां जे मुख्य भरै च ग्राएं दे खुल्ले च शौच करने थमां मुक्त आले दर्जे गी बकरार रखेआ जाई सकै। लोकसभा च इक सुआले दा लिखित परता दिंदे होई मंत्रालय नै जानकारी दित्ती जे इस मकसद लेई साकपिट, कचरे गर स्थिर करने आले तलाह, गंठे पानी दे नबेड़े सरबंधी प्रणाली दा निर्माण कीता गेंआ ऐ। ब्यानै च आखेआ गेआ ऐ जे 56 लक्ख शा मते व्यक्तिगत शौचालय तकरीबन 7 लक्ख 40 जहियार स्कूल ते आंगनवाड़ी शौचालय ते 64 ज्हार सामुदायिक सैनिटरी परिसर अजें तगर एमजीएनआरईजीएस तैहत बनाए गेदे न।



PM SIH

प्रधानमंत्री नरेन्द्र मोदी होर कल स्मार्ट इंडिया हैखथान 2024 दे ग्रैंड फिनाले च वीडियो कांफ्रेंसिंग राएं युवा इनोवेटरें कन्नै गल्लबात करगंन। ग्रैंड फिनाइले च तकरीबन 1300 शा बद्ध विद्यार्थी शामिल होंगन। इस मौके नर प्रधानमंत्री होर किट्टै गी संबोधत बी करगंन। स्मार्ट इंडिया हैखथान दा 7मां संस्करण कल गल्लबात च 51 नोडल केन्द्रें पर शुरू होग। साफ्टवेयर संस्करण बिजन रूके दे 36एं घेंटे तगर लगातार चलोग जिसलै के हार्डवेयर संस्करण 15 दिसम्बर तोड़ी जारी रौहग।



Parliament Adjournment

संसद दी दौनें सभाएं च बरोबर गतिरोध बने दे रौहने करियै अज्ज लोकसभा ते राज्यसभा दी कार्यवाही दिने लेई मशकत होई गई। एह इस हफते दा दूआ ध्याड़ा ऐ जेल्लै हूकमरान ते विरोधी धड़े बशकार इक दुए पर इल्जाम लाए गे ते उंदा परता दित्ता गेआ। दौनें सभाएं च सत्ता पक्ष नै कांग्रेस दे लीडरें पर मुल्खें गी बदनाम करने लेई अमरीका दी इक मुख् फाउंडेशन कन्नै कथित तौर पर सरबंघ होने दा इल्जाम लाया। दुए पास्सै विरोधी धड़े दे मेंबर भारत दे इक बड्डे कारोबारी समूह पर कथित तौर पर गुल्ल देने दा दोष लाया। संसदीय मामले दे मेंबर दे व्यवहार पर ऐतराज जतायज्जं उनें कांग्रेस पर सभा दी कारवाई बिघ्न पाने दा इल्जाम लाया ते उनेंगी माफी मंगने लेई आखेआ। कांग्रेस दे लीडरें ते अमरीका स्थित जार्ज सोरोस फाउंडेशन बशकार संबंघ होने दा दोष लांदे होई रिजिजू होरें कांग्रेस गी इस मुद्दे पर अपना रूक्ख साफ करने लेई आखेआ। विरोधी धड़े दे मिंबरें सरकार दे खलाफ नारेबाजी कीती ते किश मिंबर सदन च दाखल होई गे। अध्यक्ष होरें दौनें बक्खी दा विरोध करने आले मिंबरें गी सदन दी मर्यादा बनाई रखने ते कसरवाई चलन देने लेई आखेआ। राज्यसभा च बी सत्ता पक्ष ते विरोधी धड़ें दे मिंबरें बशकार डंड रौली पेदी रेही। मगरा चेयरमैन जगदीप धनखड़ होरें सदन दी कारवाई गी दिन लेई स्थगित करी दित्ता।



Agriculture

राईबाई ते करसान कल्याण मंत्रालय नै लोकसभा च इक सुआले दा लिखित परता दिंदे होई जानकारी दित्ती जे देसे दे 3 सौ 10 जिले च इलाके साब्वै पर्यावरण ते जलवायु अनुकूल विशेष फसलें दी शुरूआत कीती गई ऐ। देसे दे इनें 310 जिलें थमां 201 जिलें गी जलवायु परिवर्तन आस्तै मता कमजोर दस्सेआ गेआ ऐ। अज्ज लोकसभा च दित्ते गेदे परते च मंत्रालय नै दस्सेआ जे ऐसे ग्रां जिंदे च हर मौसम पर्यावरण दे बिजन कुसै माड़े असर दे फसलां राई जाई सकन पर बचार कीता गेआ ऐ। मुल्खै दे 28 राज्यें ते केन्द्र शासत प्रदेशें च इस जतन दा 448 थाहरें पर शुरूआत करी दित्ती गई ऐ। मंत्रालय नै इस सरबंघे च कसानें गी जलवायु परिवर्तन ते बक्ख-बक्चक्ख पैह्लुएं बारे जानकारी देने लेई समर्थ निर्माण कार्यक्रम बी शुरू कीते न। आईसीएआर नै पिछले 10एं बरें च जलवायु परिवर्तन गी सहन करने आलिं फसलें हियां 2 ज्हार 177 किस्मां जारियां कीतियां।



NHRS-Conference

नीति आयोग दे सदस्य स्वास्थ्य डॉ. वी.के.पाल होरें आखेआ जे सरकार इक नमां मानसिक स्वास्थ्य मिशन लेई ओने पर कम्म करा'रदी ऐ। अज्ज दपैहरी नमीं दिल्ली च राष्ट्रीय मानवाधिकार आयोग आस्सेआ स्वास्थ्य कक्षा थमां कार्यस्थल तोड़ी तनाव थमां निबड़ने विषय पर राष्ट्रीय सम्मेलन गी संबोधत करेद होई डॉ. पाल होरें आखेआ जे इस सरबंध च मंत्रालय नीति आयोग ते हितधारकें दे कन्नै चर्चा चलाई दी ऐ। उनें आखेआ जे स्वास्थ्य इक मानव अधिकार ऐ। 4 लक्ख स्कूली छात्रें पर कीते गेदे एनसीईआरटी उे सर्वेक्षण दा हवाला दिंदे होई डॉ. पाल होरें आखेआ जे 81 फीसद छात्रें गी पढ़ाई ते मतेयानें कन्नै सरबंधत 43 फीसद छात्र मोबाइल फोन ते सोशल मीडिया कन्नै जुड़े दे रौंहदे करी किश चीजां अनुभव करदे न।



RBI

निर्वतमान आरबीआई गवर्नर शक्तिकात दास होरें भरोसा जताया ऐ जे नमें बवर्नर संजय मल्होत्रा हुदे नेतृत्व च आरबीआई अग्गे ओने आली कुसै बी चुनाती थमां प्रभावी गैह कन्नै निबड़ी लैग। मुंबई च इक संवाददाता सम्मेलन गी संबोधत करदे होई दास होरें आरबीआई गवर्नर दे रूपै च अपने कार्यकाल दरान अपनाए गेदे सिद्धांतें पर बी लोह पाई। उनें आखेआ जे उंदे कार्यकाल दरान केन्द्रीय बैंक नै व्यापक परामर्श रौंह अपनाया। हितधारकें कन्नै सिद्धी बैठक कीतियां। उनें खास तौरा पर कोविड 19 महामारी दरान आरबीआई आस्सेआ कीते गेदे टीमें दी प्रशंसा कीती। दास होरें माली समावेश गी आरबीआई लेई इक मती चुनौती दस्सदे होई अपने भरोसे गी फही पक्का कीता।



Nabard Visit

खुराक, सिविल स्पलाई ते उपभोक्ता मामले ते ट्रांसपोर्ट मैहकमे दे मंत्री सतीश शर्मा होरें अज्ज नाबार्ड दे जम्मू कश्मीर दे इलाकाई दफतर दा दौरा लाया। मंत्री होरें गी नाबार्ड आस्सेआ जम्मू कश्मीर दे विकास च तेजी आनने ते ग्राएं हपंडें दे समुदाय दे लोकें दे जीवन स्तर गी उबड़ा चुक्कने लेई शुरू कीती गेदी पैहलकदमिएं बारे दस्सेआ गेआ। मंत्री होरें नाबार्ड दे मकसद गी पूरा करने ते निरंतरता च पेश आने आली अड़चने बारे तफसील कन्नै जायजा लैता। मंत्री होरें नाबार्ड दी पैहलकमिएं च दिलचस्पी जाहर कीती ते जम्मू कश्मीर च

नाबार्ड आस्सेआ चलाए जा करदे कम्मों दी तरीफ कीती। सतीश शर्मा होरें जम्मू कश्मीर दे विकास च नाबार्ड दे योगदान च सरकार समर्थन दा भरोसा दित्ता।



Pro Kabaddi

प्रो कबड्डी लीग दे 100में मैच च अज्ज गुजरात जायंटय दा मकाबला जयपुर पिंग पैंथर्स कन्नै होग। मैच अज्ज रातीं 8 बजे महाराष्ट्र च खेडेआ जाग। गुजरात जायंटस दे गुमान सिंह अपनी टीम दे प्रमुख राइडर दे तौर पर अगुवाई करगंन उत्थे गै विरोधी टीम दे राइडर दी अगुवाई अर्जुन देशुवाल करगंन। देशुवाल नै अज्ज तगर 17 मैचें च 17 पवाइंट बनाई चुके दे न। अज्ज दे दुए मैच च बैंगाल वारियर ते बैंगलुरु बुल्स आमने सामने होंगन।

